

## **Карикатуралар ҳақида**

21:17 / 22.04.2016 2701

Ассалому алайкум мухтарам шайх хазратлари.

Карикатуралар ҳақидаги ноҳуш ҳодисага маданий йўл билан жавоб берганигиздан ва сайtingизда Оламларга “РАҲМАТ ПАЙҒАМБАР” рукнини очганигиздан жуда ҳам миннатдормиз. Бу руқн пайғамбаримиз саллаллоҳу алайҳи вассаломни янада яқинроқ танишимизга хизмат қилади деб умид қиласман.

Пайғамбаримиз саллаллоҳу алайҳи вассаломга қилинган карикатуралар агар юртимиз оммавий ахборат воситаларида ёки юртимизга тегишли интернет сайтларда қўйилса биз қандай йўл тутмоғимиз керак. (Яқинда бир ўзбекча исломий сайтда шу карикатуралар қўйилганининг гувоҳи бўлган эдим, аммо биродарлар этироз билдиргани учунми бу карикатураларни олиб ташлабди.)

### **ЖАВОБ:**

Севикли Пайғамбаримиз алайҳиссаломни масхаралаб чизилган расмлар нобакорлик, худо безорилик ва пасткашлик эканига нафақат мусулмонлар, балки номусулмонлар ҳам иттифоқ қилишди. Хатто хабар тарзда берилаётган кўрсатувларда ҳам фақат битта сувратни кўрсатиб қолганларини беркитиб турилди.

Одамларни огоҳлантириш мақсадида деган гап ила мазкур расмларни нашр қилмоқчи бўлган ахборот воситаларини Ислом оламида қайтарилди. Мисрда бир газетанинг барча нусхалари мусодара қилинди.

Бу масала яқинда Кувайтда бўлиб ўтган илмий анжуманда ва «Иқраъ» телеканалида уламолар томонидан муҳокама қилинди ва ўша расмларни кўчириб нашр қилганлар уларни чизганларга шерик деган хуносага келинди. Айниқса, деди уламолар, бу шармсиз расмларни ёш болалар кўрсалар уларнинг онгига бу расмлар Пайғамбармиз сиймоларига боғланиб қолишига сабаб бўлади.

Агар сиз айтганда бизда ҳам ким бу ишни қилған бўлса, ўз ишини нима деб аташидан қатъий назар, пайғамбаримиз алайҳиссаломга қарши катта бехурматлик қилған бўлади. Бу иш қадимдан Мухаммад Мустафо алайҳиссаломга ўзининг чексиз муҳаббати билан машҳур бўлган халқимиз тарихида қора доғ бўлади. Бу ишни қилғанлар У зотнинг масхара қилғанларга шерик бўлади.

Мазкур Мухаммад Мустафо алайҳиссаломни масхара қилувчи расмларни сайтдан олдириб ташлашга сабаб бўлганлар пайғамбаримиз алайҳиссаломнинг ҳақиқий муҳлис умматларидан бўлади.

2006